

Objavljen poziv za prijavu na obuke „Lakirer za površinsku obradu drveta epoxy smolama“

Ukoliko želite unaprijediti svoju konkurentnost na tržištu rada, pronaći dobro plaćen posao, osloboditi svoju kreativnost i biti u prilici da pokrenete vlastiti biznis, pozivamo vas da se prijavite na Javni poziv za prijavu na obuku „Lakirer za površinsku obradu drveta epoxy smolama“ koji je objavilo Lokalno partnerstvo za zapošljavanje ZDK.

Javnim pozivom je otvorena mogućnost prijave na obuku:

- **Obuka za lakirera za površinsku obradu drveta epoxy smolama** – u sklopu koje će polaznici usvojiti potrebna znanja i vještine da na osnovu radnog naloga odaberu ispravan način pripreme podloge, alate i materijale potrebne za obavljanje zadatka s radnog naloga, predlože ispravnu tehnologiju za rješavanje radnog zadatka uz korištenje potrebnih materijala i točnih omjera po propisanim instrukcijama, te izvesti pripremu podloge i pripremu epoksi smole prema zadanom radnom nalogu korištenjem propisanih procedura, uz odabir ispravne tehnologije u okviru standarda kvaliteta finalnog proizvoda.

Obuka, koja se sastoji iz teorijskog i praktičnog dijela, će biti organizirane i provedena u Žepču, u Centru poslovnih kompetencija Žepče (ovisno o interesu, moguće je organiziranje obuka i u Banja Luci), a trajanje svake od obuka je 120 školskih sati.

Nakon uspješno završene obuke, biti ćete certificirani i dobiti ćete Certifikat o stručnoj osposobljenosti za zanimanje „**LAKIRER ZA POVRŠINSKU OBRADU DRVETA EPOXY SMOLAMA**“ kojeg izdaje „WMTA Banja Luka – Ustanova za stručno obrazovanje

odraslih“, a partneri na projektu će vam pružiti pomoć u pronalasku zaposlenja.

Pozivamo vas da se prijavite i budete dio uspješnih priča koje osnažuju privredu Bosne i Hercegovine posebno prisustvom na međunarodnom tržištu.

Ne propustite priliku i prijavite se na besplatnu obuku i usvojite znanja da i sami pravite vrhunski namještaj, nakit i dodatke koji na tržištu postiže jako visoku cijenu uz stalni porast potražnje – [PRIMJERI](#)

Cjelokupan tekst Javnog poziva i Prijavni obrazac možete preuzeti u nastavku.

[Javni poziv za prijavu na obuke LAKIRER ZA POVRŠINSKU OBRADU DRVETA EPOXY SMOLAMA](#)

[Prijavni obrazac](#)

Lokalno partnerstvo za zapošljavanje ZDK je jedno od 20 uspostavljenih u zemlji u okviru LEP II projekta, koji financira Europska unija, a realizira Međunarodna organizacija u BiH, a koji ima za cilj da doprinese poboljšanju prilika zapošljavanja u lokalnim zajednicama dajući podršku razvoju lokalnih partnerstava za zapošljavanje kao partnerski uspostavljenih mehanizama za tržište rada koji osiguravaju pristup formalnom zapošljavanju na lokalnom nivou, unaprjeđuju vještine i stvaraju prilike za zapošljavanje osoba u nepovoljnom položaju na tržištu rada. Za više informacija o projektu LEP II, posjetite www.partnerstvo.ba i kanale društvenih mreža ([Instagram](#), [Facebook](#), [Twitter](#) i [YouTube](#)).

[Javni_poziv_obuke_ILO_EPOXY](#)

[Prilog_1_prijavni_obrazac_obuke_ILO_EPOXY](#)